



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

Innocentivs Papa X. Ad futuram rei memoriam.

urn:nbn:de:hbz:466:1-14298

Tridentini Interpretum respondit. Regulares ex eadem Constitutione ita demum teneri Episcopo significare diem Electionis Abbatis, eumque usque ad præfinitum tempus expectare, si antea ipse expreſſe declaraverit, ſe uti velle facultate fibi hac in parte attributa, Abbatiflارumque electionibus per ſe vel per alium interefſe, ac prefidere. Post eam vero

declarationem licere Episcopo animadvertere in Regulares, qui ante tempus significatum, aut die electionis eidem non prænunciata, ad Abbatiflæ electionem procedunt.

Cof. Card. de Torres.

Prosper Fagnanus S. Congreg. Secr.

G.

INNOCENTIVS PAPA X.

Ad futuram rei memoriam.

§. 1.

CVm ficut accepimus, aliquæ fuerint ortæ differentiæ inter venerabilem fratrem Ioannem Episcopum Angelopolitan. five popule Sanctorum Angelorum in Indiis Occidentalibus ex una, & dilectos filios Clericos Regulares Societatis Iefu partibus ex altera, de, & super munere prædicationis verbi Dei in propriis eorundem Clericorum Regularium petita ſolum Episcopi benedictione, quam in alienis Ecclesiis petita, & obtenta ab eodem Episcopo Diceceſani licentia exercendi; nec non ſuper Confessionibus Laicorum audiendis prævio examine, five approbatione ejusdem Episcopi Diceceſani, quæ dicti Clerici Regulares in vim Privilegiorum prædictæ Societati Apostolica authoritate conciliorum ſibi proprio jure licere prætendebant, & deſuper in partibus fuerit deuentum ad plures actus judiciales, & pro parte Clericorum Regularium hujusmodi ad Electionem conservatorum privilegiorum hujusmodi: Nobisque tam dicti Ioannis Episcopi, quam eorundem Clericorum Regularium nomine pro ſopieſis differentiis hujusmodi quædam dubia deſicionem differentiarum præfatarum, nec non jurisdictionem Ordinariorum in exemptis, & ipſorum Clericorum Regularium exemptionem à jurisdictione Ordinarii concernientia fuerint propofita, ad quæ ambæ partes responderi, & quid deſuper obſervandum sit, auſtoritate Noſtra Apostolica statui & ſtabiliri defiderabant.

§. 2. Nos, qui omnium fidelium & præfertim Ecclesiasticorum quieti libenter in cumbiimus, differentias prædictas, totumque negotium particulari congregationi aliquorum venerabilium Fratrum noſtrorum Sanctæ R. E. Cardinalium, & dilectorum Romanæ Curiæ Prælatorum examinan. commisimus,

qui auditis ſæpius Procuratoribus prædicti Ioannis Episcopi nec non procuratore Generali Societatis prædictæ, negocio maturè diſcuſſo, omnibus dubiis, & petitionibus hinc inde propositis, responderunt prout ſequitur, videlicet:

§. 3. Sacra Congregatio à Sanctissimo Domino Noftro deputata ſuper controverſiis vertentibus inter Epifcopum Angelorum in Indiis Occidentalibus, & Religiosos Societatis Iefu ſæpius auditis procuratoribus ab eodem Epifcopo ad Vrbem allegatis, nec non ipſius Societatis Procuratore Generali, negoſioque accuratè diſcuſſo, cefuit prædictos Religiosos nequaquam poſſe in Civitate & Diocesi Angelopolitana personarum ſæcularium Confeſſiones audire ſine approbatione Epifcopi Diceceſani, nec verbum Dei prædicare in Ecclesiis ſui ordinis, non petita ipſius benedictione, nec in aliis Ecclesiis ſine ejus licentia, nec in Ecclesiis etiam ſui ordinis ipſo contradicente, & contraveniente, ab Epifcopo tanquam Sedis Apostolica Delegato coereri, & puniri poſſe etiam censuris Ecclesiasticis in vim Constitutionis Sanctæ mem. Gregorii XV. quæ incipit, Inſcrutabili Dei prævidentia. Ac proinde memoratis Religiosis, qui hujusmodi approbationem, ac licentiam fe obtinuisse non docuerint potuiffe Epifcopum, ſeu ejus Generalem vicarium præcipere ſub poena excommunicationis latæ ſententiæ, ut à Confeſſionibus audiendis & verbi Dei prædicatione abſtinerent, nec ob eam cauſam licuiffe dictis Religiosis quaſi à manifestis injuriis, & violentiis eligere Conservatores, eoque, ut præfertur electos in Epifcopum, ejusque vicarium Generale indebitè, ac nulliter excommunicationem fulminaffe. Ceterum sancta congregatio ſerio in Domino horatur, ac monet Epifcopum, ut Christianæ manuetudinis memor erga Societatem Iefu, quæ

quæ laudabili suo instituto in Ecclesia Dei tam fructuose laboravit, ac sine intermissione laborabat, paterno se gerat affectu, eamque in regimine Ecclesie suæ perutilem adjutriæ agnoscens benignè foveat, ac pristinæ suæ benevolentia restituat, quemadmodum sacra Congregatio ipsum facturum confidit, sibique certò pollicetur, cum ejus zelum, pie-tatem ac pastoralem sollicitudinem comper-tam habeat. Datum Romæ die 16 Aprilis Anno 1648.

§. 4. Et premissorum occasione pro parte prædicti Ioannis Episcopi: nec non Religio-forum Societatis Iesu in eadem congregatione proposita fuerunt diversa dubia de mandato Sanctissimi resolvenda, quæ quidem Sacra Congregatio saepius auditis, ut in præmis ab eodem Episcopo ad Vrbem missis; nec non Procuratore Generali ipsius Societatis, nego-tioque maturè perpenso ad singula dubia ab utraque parte proposita respondit ordine quo sequitur:

Primo, An in casu, quo Episcopus præci-piat de cœta aliqua Concilii Tridentini à Re-gularibus observari & executioni demandari, Regulares quicunque etiam Societatis Iesu, sub prætextu, quod hujusmodi præcepta in-fringant sua privilegia, possint eligere conser-vatores? Congregatio respondit, si Episco-pus præcipiat Regularibus etiam Societatis Iesu, ut Decreta aliqua Concilii Tridentini observent, ac exequantur in illis casibus, in quibus per ipsum Concilium, vel constitutio-nes Apostolicas Regulares exempti subjiciuntur jurisdictioni & correctioni Episcopi, mi-nimè licere ipsis Regularibus ob eam causam Conservatores eligere.

Secundo, An quando Ordinarius procedit juris ordine servato aduersus Regulares præ-dictos in casibus, in quibus per Concilii Tri- dentini, vel constitutiones Apostolicas ipsi subjiciuntur, possint Conservatores Judices assignare? Respondit, ut ad proximum, non posse.

Tertio, An Regularibus etiam Societatis Iesu afferentibus se habere privilegia, quo mi-nus obdiant Episcopo in executione decre-torum juris Communis Concilii Tridentini & Constitutionum Apostolicarum, Ordinarii debeant ipsis adhibere fidem absque exhibi-tione hujusmodi privilegiorum? Respondit, Ordinarios non teneri hujusmodi assertioni fidem adhibere absque integrali privilegiorum exhibitione.

Quarto, An in casu quo Regulares qui-cumque etiam Societatis Iesu exhibeant ali-qua privilegia, & Ordinarii judicent ea non suffragari casu de quo agitur, & ad rem non facere, Regulares præfati possint, & debeant provocari ad summum Pontificem, vel in par-tibus Indiarum remotissimis ad Metropolita-

num sive Ordinarium vicinorem, vel potius possint hoc casu eligere judges Conservato-res? Respondit, si verba privilegiorum sint obscura & ambigua, non licere recurrere ad Metropolitanum vel vicinorem Episcopum, nec conservatores eligere, sed sumnum Pon-tificem pro interpretatione esse adeundum.

Quinto, utrum Constitutio fel. record. Gregorii XV. circa Conservatores Regula-rium publicata anno 1621. cum declarationibus Eminentissimorum Sacrae Congregatio-nis Concilii Tridentini Interpretum desuper editis æque afficiat, & comprehendat Reli-giosos Societatis Iesu, ac reliquos Regulares, ita ut omnia alia prædicta Societatis privilegia fuerint reducta ad terminos dictæ Conсти-tutionis, & sic imposterum debeat ab iis eligi Conservatores juxta formam, & tenorem prædictæ constitutionis? Respondit, hujus-modi Constitutionem cum declarationibus, ut prætenditur editis æque afficer Religiosos Societatis Iesu, atque aliorum Ordinum, & Conservatores ad illius præscriptum esse eli-gendos, non obstantibus quibuslibet privilegiis, quippe quæ omnia sunt redacta ad terminos ipsius Constitutionis.

Sexto, An Regulares prædicti gravati ēre alieno vel ad ratiocinia, vel testamentorum Executores possint conveniri coram ordinario, si Conservatores non nominaverint intra tempus habile ab ordinario, præscriptum. Respondit, Regulares in causis præfatis coram ordinario loci esse convenientes, si ad præscriptum Constitutionis Sanctæ mem. Gregorii XV. Conservatores non elegerint, ipsumque electionis Documentum intra præ-finatum tempus in actis Curia ipsius ordina-rii non exhibuerint ac dimiserint.

Septimo, An dicti Regulares Conservato-res, sive ad jura, sive ad privilegia tuenda affun-dentes, teneantur ante exercitum Commis-sionis præfare cautionem coram ordinario, sive alio judice competente, de judicio sibi, & judicatum solvendo, casu quo in lite sive cau-sa succubuerint? Respondit non teneri.

Octavo, An quando Episcopi jura, vel de-cimas Cathedralium aduersus Regulares præ-dictos dote sua spoliantes Ecclesiæ coram ju-dice competente tuentur, librosque, memo-rialia, & allegationes producunt ius Ecclesiæ rum Cathedralium exprimentes & acquisi-tiones Religiosorum, aliaque id generis adnu-merantes hujusmodi scriptorum occasione, possint Regulares nominare Conservatores, prætententes injuriam sibi inferri in referen-do immoderatas acquisitiones? Respondit, Si Episcopi, pro tuendis juribus Cathedralium Ecclesiæ coram Iudice competenti hujusmodi scripta producant, & Regularium im-moderatas acquisitiones veraciter & mode-stè referant, non licere Regularibus ob eam

causam ad Conservatores recurrere.

Nono, utrum Regularis quicunque etiam Societatis Iesu possit administrare Sacramentum pœnitentiae secularibus absque licentia Episcopi Dicecesani, etiam si in aliena Dioecesi approbatus sit? Respondit, Regulares etiam Societatis Iesu in una Dioecesi ab Episcopo approbatos, ad Confessiones personarum secularium audiendas nequaquam posse in alia Dioecesi hujusmodi Confessiones audire, sine approbatione Episcopi Dicecesani,

Decimo, An Episcopus contra dictos Regulares audientes in sua Dioecesi Confessiones Secularium absque sua approbatione, vel Concionatores absque Licentia Episcopi intra vel extra proprias Ecclesias, possit procedere, eos a talibus ministeriis removendo, sive præceptis & aliis juris remediis coercendo? Respondit eisdem Regularibus, qui Confessiones personarum Secularium audiunt sine approbatione Episcopi loci, vel predicant in Ecclesiis sui Ordinis, non petita illius benedictione, aut in aliis Ecclesiis absque ipsius licentia, vel in Ecclesiis etiam sui ordinis ipso contradicente posse Episcopum in vim Conflit: fel: rec: Gregorii XV. qua incipit: Inscrutabili Dei providentia, tanquam Sedis Apost. Delegatum administrationem Sacramenti pœnitentiae ac munus prædicationis interdicere, eosque juris remediis coercere & punire.

Undecimo, An quando Episcopo constat dictas licentias obtentas non fuisse, ipse possit præcipere, ut donec licentiam intra præscriptum tempus exhibeant, a tali ministerio abstineant, & an requirendus sit per Episcopum pro his exhibendis Provincialis in alia Dioecesi, vel longissime existens, vel ipsi Regularis Confessarii, vel eorum superiores ejusdem Dioecesis, in qua predicta exercent? Respondit posse Episcopum sic præcipere, nec pro hujusmodi Licentiis requirendum esse Provinciale, sed satis esse ipsos Religiosos requirere, aut eorum superiores in Dioecesi Episcopi existentes.

Dodecimo, An si contingat, ut aliquis prædictorum Regularium iniurgat contra Episcopum in propria Dioecesi maledictis cum scripto, vel dicto populum Scandalizando possit ab Episcopo puniri, & qua animadversione, & quid si hujusmodi delinquens transi verit ad aliam Dioecesim in hoc casu servandum sit? & qua poena puniendum sit Regularis, qui commorans in una Dioecesi spargat famulos libellos contra Ordinarium alterius Dioecesis? Respondit, si Regularis intra claustra degens extra ea in casibus in dubio expressis ita notoriè deliquerit, ut populo scandalo sit, Episcopo instantे, teneri superiorem Regularēm infra tempus ab Episcopo præfigendum severè illum punire, ac de punitione Episcopum certiorem facere, alioquin sic delinquentem

ab Episcopo puniri posse ad præscriptum Concilii Tridentini cap. 14. Sess. 25. de Regulari. quod si delinquens ad aliam Dioecesim migraverit, servandum esse quod præcipitur in Constitutione Sanctæ mem: Clementis VIII. incipien. Sulcepti muneri ratio.

Decimotertio, An Conservatores nominati & electi à Regularibus prædictis ante exercitium suæ jurisdictionis teneantur Electionis authenticum documentum exhibere coram Ordinario, sub poena nullitatis actuum? Respondit, utique teneri.

Decimoquarto, An privilegia, quæ sunt contra Jurisdictionem Ordinarii, & quibus gaudent, & gaudere prætendent Regularis prædicti, debeant Episcopis notificari, sive infinitari? Respondit, Regulares teneri hujusmodi privilegia Episcopo exhibere, si eis uti voluerint.

Decimoquinto, An prædia rustica, metallorum fodinae, fachari opificinae à Regularibus Societatis, vel aliis postessa, vel aliae Domus secularium, in quibus videlicet, unus vel duo Regulares tantum commorantur, gaudent privilegio Collegiorum seu conventuum? Respondit non gaudere.

Decimosesto, utrum Regulares prædicti Apothecas quarumcunque mercium, macella, & similia præsertim prope collegia sive conventus exercentes, possint ab ordinario sub censuris inhiberi, ne hujusmodi exercent? Respondit non posse Episcopum hoc prohibere Regularibus exemptis; sed si in præmisitis notoriè delinquant extra claustra, ut populo scandalo sint, servandum esse quod dictum est supra in responsione ad duodecimum.

Decimo septimo, utrum Regulares, etiam Patres Iesuitæ in suis prædiis, opificinis, aliisque suis Domibus secularibus sitis intra limites parochialium ad se non spectantium possint administrare Sacramentum Baptismatis, solemnis matrimonii, extremæ unctionis & Eucharistiae in fetto Paschatis famulis, mercenariis, rusticis, sive aliis id genus hominibus secularibus absque Ordinarii, vel parochi licentia? respondit non posse.

Decimo octavo, utrum P. P. Societatis in Civitate & Dioecesi Angelorum possint consecrare vasæ sacra, altaria & similia in quibus unctio requiritur? Respondit itidem non posse.

Pro parte vero Religiosorum Societatis Iesu proposita fuerunt infra scripta dubia.

Primo, An Episcopi in partibus Indiarum possint ex integrō totum unum Monasterium, vel collegium ab audiendis Confessionibus suspendere? Respondit, Episcopos Indiarum posse quidem omnibus simul unius Monasterii vel collegii Confessariis adimere facultatem audiendi Confessiones personarum secularium,

larium etiam inconsulta Sacra Congregatione Episcoporum, & Regularium negotiis praesposita, cum decretum ab ea editum sub die 20. Novembris 1615. ex intentionis defectu, & convenientia morali non extendatur ad Regiones illas, tam longe ab Urbe distitas. Verum ab hac generali suspensione, quae vix fine scandalo & animarum permitte continere potest, abstinentem esse Episcopis, nisi gravissima subsistente causa, super quo Sacra Congregatio illorum Conscientias graviter voluit esse oneratas.

Secundo, An Episcopus Regularem pro Confessionibus semel approbatum sine nova causa suspendere possit ab ipsis Confessionibus audiendis? Respondit, Regulares alias libere ab Episcopo prævio examine approbatos ad audiendas confessiones perfonarum secularium ab eodem Episcopo suspendi non posse, sine nova causa eaque ad Confessiones ipsas pertinente.

Tertio, An Bulla Pii v. 34. in ordine tom. 2. Bullarii concessa, instante, & supplicante Serenissimo Rege Catholico, non ad petitionem Regularium sit revocata in Bullis summorum Pontificum in quibus exemptiones Regularium mitigantur? Respondit, agendum cum Sanctissimo, an velit declarare Bullam non esse revocatam, illam tamen non suffragari, nisi in locis ubi est defectus Parochorum.

Quarto, An Episcopus possit cum censuris procedere contra Regulares exemptos, si inobedientes fuerint in Confessionibus audiendis, vel prædicatione verbi Dei; & hoc an vigore Concilii Tridentini, vel per quem Canonem? Respondit posse procedere, non quidem in vim Concilii Tridentini, sed in vim Constitutionis Gregorii XV. quae incipit Inscrutabili Dei providentia.

Quinto, An licentia audiendi Confessiones, & prædicandi, ab Episcopo per litteras patentes Cancillariae concedi possit? Respondit, posse concedi etiam per litteras missivas, vel oretenus si ita Episcopo videbitur.

Sexto, An talis licentia oretenus sine scriptis concedi possit? Respondit ut ad proximum.

Septimo, An facultas eligendi conservatores concessa Societati à Gregorio decimo tertio suffragetur illis in locis in quibus non adiunt Iudices Synodales? Respondit, ubi non adiunt Iudices Synodales Privilegium Gregorii XIII. non suffragari, quo ad hoc ut Societas non teneatur exillis eligere conservatores, dummodo tamen in reliquis servetur forma constitutionis Gregorii XV. hac de re edita.

Octavo, An Conservatores Societatis, vicarios Generales Episcoporum auctoritate Apostolica per sententias, censuras & poenas Ecclesiasticas compellere possint virtute Bullæ

Gregorii XIII. Incipien. Eequum reputamus. Dat. ultima Februarii 1573. Respondit posse à manifestis injuriis, & violentiis eos compescere, etiam censuris; & poenis Ecclesiasticis. Dat. Romæ die 16. Aprilis 1648. Quapropter, ut præmissa firmius subsistant, & inviolabiliter observentur, Nobis pro parte Ioannis Episcopi hujusmodi fuit humiliter supplicatum, ut illa auctoritate Apostolica confirmare de benignitate Apostolica dignaremur.

Nos igitur dicti Ioannis Episcopi votis hac in re annuere, illumque specialibus favoribus & gratiis prosequi volentes, & eundem Ioannem Episcopum a quibusvis excommunicatis, suspensionis, & interdicti, aliisque Ecclesiasticis sententiis, censuris & poenis à jure vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequen. harum serie absolven. & absolutum fore censentes hujusmodi supplicationibus inclinati præmissa responda, seu resolutiones auctoritate prædicta tenore præsentium confirmamus & approbamus, illisque Apostolicæ firmitatis vim & robur adjicimus, & inviolabiliter observari mandamus, salva tamen semper in præmissis auctoritate dictæ congregationis.

§. 7. Decernentes sic, & non aliter in præmissis per quoscumque Iudices Ordinarios & Delegatos etiam causarum Palatii Apostolici Auditores, ac Sancta Romana Ecclesia Cardinales, etiam de latere Legatos judicari & definiti debere, ac irritum, & inane si quid fecus à quoquam quavis auctoritate scienter vel ignoranter contigerit attentari.

§. 8. Non obstantibus Apostolicis ac universalibus, provincialibusque, & Synodalibus Concilii editis generalibus & specialibus constitutionibus & ordinationibus; nec non Ecclesiæ Angelopolitanæ ac Societatis prædictæ, etiam juramento, confirmatione Apostolica, vel alia quavis firmitate roboratis, Statutis, & consuetudinibus, privilegiis quoque indultis & litteris Apostolicis, eidem Ecclesiæ & Societati sub quibuscumque verborum tenoribus & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, ac decretis etiam irritantibus, etiam motu proprio, ac etiam consistorialiter, & alias quomodolibet in contrarium præmissorum quomodolibet concessis, confirmatis & innovatis. Quibus omnibus & singulis, etiam si pro sufficienti illorum derogatione de illis, eorumque totis tenoribus specialis specifica, expressa & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, illorum omnium & singulorum tenores præsentibus pro plenè, & sufficienter expressis habentes,

habentes, illis alias in suo labore permanensuris,
ad effectum præmissorum specialiter & ex-
pressè derogamus, ceterisque contrariis qui-
buscumque. Dat. Romæ apud S. Mariam

Majorem sub annulo Pisces die 14 Maii
MDC XXXXVIII. Pont. Nostri Anno
Quarto.

H.

S. D. N. D. V R B A N I , Divina providentia
Papæ VIII

C O N F I R M A T I O
DECLARATIONIS CONSTITUTIONIS,
CLEMENTIS Papæ VIII.

De largitione munerum Regularibus utriusque
Sexus interdicta.

Nuper à Congregatione nonnul-
lorum Romanæ Curiae Prælato-
rum , coram dilecto filio nostro
Antonio , tituli S. Petri ad Vin-
cula , Presbytero Cardinali S.
Onuphrii nuncupato majori Poenitentiario ,
ac nostro in alma Urbe Provicario in Spir-
ituibus generali , & nostro secundum car-
nem fratre germano , à Nobis deputata eman-
avit declaratio tenoris subsequentis ; videlicet ; Cum circa interpretationem Constitu-
tionis fel. recor. Clementis VII sub dat.
XIII. Kal. Julii , Pontificatus sui anno III.
de largitione munerum , Regularibus utriusque
sexus interdicta , nonnullæ difficultates &
ambiguitates sint exortæ . Congregatio spe-
cialiter à Sanctissimo D. N. Vrbanò , Divina
providentia Papa VIII. coram Eminentissimo
Cardinali S. Onuphrii , majori Poenitentiario ,
ac Vrbis Provicario deputata , auctoritate sibi
attributa declaravit , & declarat , munera à
Religiosis utriusque sexus , tribui posse , ex
caulis gratitudinis , conciliationis benevolen-
tiae , ejusque conservationis erga ipsam Reli-
gionem vel Conventum , alifice causis ex sui
natura actum virtutis & meriti continentibus ,
modestè tamen ac discretè , & dummodo id
non fiat nisi de superiorum localium licentia ,
ac etiam cum consensu majoris partis Con-
ventus , si talis consensus de jure vel ex Con-
stitutionibus seu consuetudinibus cujusque
Religionis respectivè in hujusmodi casibus
requiratur . Consensum verò Conventus in
§. 3. ejusdem Constitutionis ad leviora escul-
lenta aut pocalenta , seu ad donationem & reli-

gioſitatem pertinentia munuscula largienda ,
&c. requiritum , intelligi debere de consensu
alias de jure requisito , & ubi concurrit ambi-
tionis lufpitio , qua celante , nec in his requiri
licentiam superiorum in scriptis , in §. 4. ejus-
dem bullæ requisitam , sed sufficere licentiam
etiam oretēnum eisdem concessam , declarat .
Confessiones autem , compotations , &
convivia in excipiendis præfertim Benefacto-
ribus , Protectoribus , vel Ordinariis honorificè , & laute , de quibus in §. 5. & 6. ejus-
dem Constitutionis , censi tantummodo prohibita , si decentiæ status Regularis adver-
ſentur . Restitutionem verò receptorum Con-
ventibus faciendam , de qua in §. 7. ibidem
cautum est intelligi debere de Conventibus , ad
quos data , donata seu missa de jure pertinent ,
si id commode fieri potest , alias Conventui
ejusdem Religionis , viciniori loco , ubi petita
fuit absoratio , restituantur . Insuper eadem fa-
cilitate sibi tributa , omnes , qui hucusque ad-
versus supradict. Constitutiones , Capitula hic
moderata largiti fuerunt , vel receperunt , à
poenitentiis quibuscumque in eadem Constitutione
inflictis & incurris , posse & debere a pro-
priis Confessariis absolvī in foro conscientiæ ,
etiam non facta prius hujusmodi rerum do-
natarum , seu datarum restitutione . Quoad
eos verò qui præter modum prædictum gra-
viori Religionis detrimento largiendo , vel
recipiendo , transgressi sunt , sed ob inopiam
restituere nequeunt , eadem Sanctitas concedit
majori Poenitentiario , ut de præteritis usque
ad diem datae præsentium , in foro confien-
tiæ absolvat , dispenset & condonet , seu ab-
solvi ,